



## **SIARAN MEDIA**

### **BELANJAWAN 2020 MOA: PEMANGKIN KEMAKMURAN BERSAMA PETANI, PENTERNAK DAN NELAYAN**

1. Dalam Belanjawan 2020 yang telah dibentangkan pada hari ini, Kementerian Pertanian dan Industri Asas Tani (MOA) telah menerima peruntukan sebanyak RM4.9 bilion. Daripada jumlah peruntukan tersebut, perbelanjaan mengurus adalah sebanyak RM3.5 bilion, manakala perbelanjaan pembangunan adalah sebanyak RM1.4 billion.
2. Peruntukan bagi MOA telah ditingkatkan sebanyak 10.9% bagi tahun 2020 berbanding dengan peruntukan belanjawan 2019 yang diberi sebanyak RM4.4 bilion. Antara penumpuan yang diambil untuk sektor pertanian bagi tahun 2020 termasuklah pemberian elaun dan skim bagi para petani dan nelayan yang masih diteruskan serta langkah pemodenan bagi meningkatkan produktiviti mereka.
3. Di antara penumpuan bagi sektor pertanian pada tahun 2020 adalah:
  - RM855 juta untuk sektor padi. Peningkatan dari RM796 juta yang diperuntukkan pada 2019 di bawah Skim Baja Padi Kerajaan Persekutuan (SBPKP) dan Skim Insentif Pengeluaran Padi (SIPP). Subsidi Padi Bukit/Huma juga akan diteruskan
  - RM152 juta untuk nelayan. Ini termasuk Elaun Sara Hidup Nelayan (ESHN) yang telah dinaikkan dari RM200 kepada RM250 sebulan
  - RM150 juta juga diperuntukkan sebagai galakan program integrasi tanaman seperti cili, nanas, kelapa, tembikai dan buluh
  - RM43 juta untuk Industri Pertanian 4.0 bagi membangunkan baka yang berkualiti dan berproduktiviti tinggi
  - RM30 juta untuk penghasilan beras padi pulut di Langkawi

4. Selain itu, RM100 juta juga diperuntukkan melalui pengwujudan Dana Bantuan Bencana untuk membantu petani yang terkesan akibat bencana alam. Pinjaman akan diberikan pada kadar faedah empat peratus.
5. Peningkatan peruntukan MOA untuk tahun 2020 membuktikan sektor agromakanan negara mendapat perhatian kerajaan dan akan terus dibangunkan dengan mampan untuk memastikan bekalan makanan adalah selamat dan mencukupi.
6. Selari dengan Wawasan Kemakmuran Bersama 2030, belanjawan 2020 untuk MOA semestinya akan membantu meningkatkan pendapatan petani, penternak dan nelayan. Ia juga berfungsi sebagai pemangkin kepada Rancangan Malaysia Ke-12 dan Dasar Agromakanan Negara 2.0.

**KEMENTERIAN PERTANIAN DAN  
INDUSTRI ASAS TANI**

**11 OKTOBER 2019**